



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

## ՀՐԱՄԱՆ

No 2220-Չ/2

«01» ջնիվեօկտեմբեր 2022 թ.

2023 ԹՎԱԿԱՆԻՆ ԱՆՑԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԳԱՎԱԹ» ԼՈՂԻ ՍԻՐՈՂԱԿԱՆ ՄՐՑԱՇԱՐԻ ԿԱՆՈՆԱԿԱՐԳԸ ԵՎ  
ՄԱՍՆԱԿՑՈՒԹՅԱՆ ՀԱՅՏԻ ՕՐԻՆԱԿԵԼԻ ՁԵՎԸ ՀԱՍՏԱՏԵԼՈՒ ՄԱՍԻՆ

Համաձայն «Ֆիզիկական կուլտուրայի և սպորտի մասին» Հայաստանի  
Հանրապետության օրենքի 9-րդ հոդվածի «ա», «գ» և «Ժ.1» կետերի՝

## ՀՐԱՄԱՅՈՒՄ ԵՄ

1. Հաստատել՝

- 1) 2023 թվականին անցկացվող «Հայաստանի Հանրապետության վարչապետի  
գավաթ» լողի սիրողական մրցաշարի կանոնակարգը՝ համաձայն հավելված N<sup>1</sup>-ի,
- 2) 2023 թվականին անցկացվող «Հայաստանի Հանրապետության վարչապետի  
գավաթ» լողի սիրողական մրցաշարի մասնակցության հայտի օրինակելի ձևը՝ համաձայն  
հավելված N<sup>2</sup>-ի:

ՆԱԽԱՐԱՐ՝



Signed by: DUMANYAN VAHRAM 1909620211

**ԿԱՆՈՆԱԿԱՐԳ**  
**2023 ԹՎԱԿԱՆԻՆ ԱՆՑԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**  
**ՎԱՐՉԱՊԵՏԻ ԳԱՎԱԹ» ԼՈՂԻ ՍԻՐՈՂԱԿԱՆ ՄՐՑԱՇԱՐԻ**

**I. ՆՊԱՏԱԿԸ ԵՎ ԽՆԴԻՐՆԵՐԸ**

1. 2023 թվականին անցկացվող «Հայաստանի Հանրապետության վարչապետի գավաթ» լողի սիրողական մրցաշարի (այսուհետ՝ Մրցաշար) նպատակն է՝

1) մասսայականացնել լող մարզաձևը Հայաստանի Հանրապետությունում,  
2) բնակչության տարբեր տարիքային խմբերի առօրյայում արմատավորել ֆիզիկական վարժություններով մշտապես զբաղվելու, առողջ կենսակերպի գաղափարը:

2. Խնդիրներն են՝

1) զանգվածային սպորտի և ակտիվ կենսակերպի քարոզչության ապահովում,  
2) լողի կանոնավոր պարապմունքներին բնակչության (միջին և բարձր տարիքի անձանց) ներգրավվածության ապահովում, առողջ ապրելակերպ վարելու նկատմամբ հետաքրքրության բարձրացում:

**II. ԿԱԶՄԱԿԵՐՊՈՒՄՆ ՈՒ ԱՆՑԿԱՑՈՒՄԸ**

3. Մրցաշարի նախապատրաստման և անցկացման աշխատանքները համակարգում է Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն):

4. Մրցաշարի կազմակերպումն ու անցկացումը իրականացնում է Նախարարության կողմից հաստատված հանձնաժողովը՝ համագործակցելով «Հայաստանի լողի ֆեդերացիա» ՀԿ-ի հետ (այսուհետ՝ ֆեդերացիա):

**III. ԺԱՄԿԵՏԸ ԵՎ ՎԱՅՐԸ**

5. Մրցաշարը կանցկացվի 2023 թվականի հուլիսի 3-րդ տասնօրյակում, Սևանա լճում՝ ՀՀ Գեղարքունիքի մարզի Շորժա համայնքին հարակից լողափնյա տարածքում, մասնակիցները պետք է մրցավայր ներկայանան մրցումներից 2 ժամ առաջ, անձը հաստատող փաստաթղթերով:

**IV. ՄՐՑՈՒՄՆԵՐԻ ՄԱՍՆԱԿԻՑՆԵՐԸ, ԾՐԱԳԻՐԸ ԵՎ ԱՆՑԿԱՑՄԱՆ ՊԱՅՄԱՆՆԵՐԸ**

6. Մրցաշարին կարող են մասնակցել 18 և բարձ տարիքի Հայաստանի Հանրապետության, Արցախի Հանրապետության և օտարերկրյա քաղաքացիները, (սիրողական մարզիկներ, դպրոցականներ, ուսանողներ, պետական և մասնավոր ոլորտի աշխատողներ, միջազգային կազմակերպությունների և դեսպանատների ներկայացուցիչներ, օտարերկրացի զբոսաշրջիկներ, գործող պրոֆեսիոնալ մարզիկներ՝

առանձին խմբով), ովքեր չունեն առողջական խնդիրներ: Մրցաշարի ընթացքում առաջացած առողջական խնդիրների դեպքում պատասխանատվությունը կրում է մասնակիցը, համաձայն պայմանագրի (պայմանագրին կարելի է ծանոթանալ ՀՀ կրթության, գիտության, մշակույթի և սպորտի նախարարության կայքէջում՝ <https://escs.am/>):

7. Մրցաշարին գործող պրոֆեսիոնալ մարզիկների խմբում կարող են մասնակցել այն անձինք, որոնց անունները ներառված են ՀՀ լողի վարկանիշային աղյուսակում (ռեյտինգ), կամ վերջին հինգ տարիների ընթացքում մասնակցել են լողի Հայաստանի Հանրապետության առաջնություններին, կամ միջազգային մրցաշարերին:

8. Մասնակիցներին չի թույլատրվում մասնակցել հիդրոհամազգեստով:

9. Մրցաշարը կանցկացվի 2 տարիքային և գործող պրոֆեսիոնալ մարզիկների խմբերով, 1 փուլով՝

1) 1-ին տարիքային խումբ՝ 18-ից 40 տարեկան (1983-2005 թթ. ծնված) կանայք և տղամարդիկ,

2) 2-րդ տարիքային խումբ՝ 41 և բարձր տարիքի (1982 թ. ծնված) կանայք և տղամարդիկ:

3) գործող պրոֆեսիոնալ մարզիկների խումբ՝ տարիքային սահմանափակում չկա (տղամարդիկ և կանայք):

4) Մրցաշարի անցկացման կարգն ու պայմանները որոշում է Նախարարության կողմից ստեղծված հանձնաժողովը:

5) Կանայք կմրցեն հազար (1000) մետր, իսկ տղամարդիկ՝ հազար հինգհարյուր (1500) մետր լողատարածություններում:

6) Հայտը ներկայացնող անձը պետք է հանձնի նախնական ստուգարք՝ մասնակցի լողանալու ունակության մակարդակը որոշելու համար, ֆեդերացիայի կողմից ընտրված լողավազանում:

7) 6-րդ կետի պահանջը չկատարելու դեպքում մասնակիցների մասնակցությունը մրցաշարին չի թույլատրվելու:

## **V. ՊԱՐԳԵՎԱՏՐՈՒՄԸ**

10. Մրցաշարին երկու տարիքային և գործող պրոֆեսիոնալ մարզիկներ խմբերում 1-ին, 2-րդ և 3-րդ տեղերը գրաված մասնակիցները (տղամարդիկ և կանայք) պարգևատրվում են Նախարարության համապատասխան կարգի հավաստագրերով, գավաթներով, մեդալներով, իսկ 1-ից 10-րդ տեղեր գրաված մասնակիցները՝ դրամական մրցանակներով, հուշանվերով պարգևատրվում են նաև ամենատարեց մասնակիցները (կին, տղամարդ):

11. Մրցաշարի բոլոր մասնակիցներին տրվում են հավաստագրեր: Արդյունքներն ամփոփվում են մրցումների ավարտից անմիջապես հետո:

## **VI. ԾԱԽՍԵՐԸ ԵՎ ԴՐԱՄԱԿԱՆ ՄՐՑԱՆԱԿՆԵՐԻ ՉԱՓԵՐԸ**

12. Մրցաշարի անցկացման հետ կապված ծախսերը՝ մրցավարների, փրկարարների և կամավորների սնունդ, ճանապարհածախս, մրցավարների պարգևավճար, ռադիոհանգույցի վարձակալում, լողափի ձևավորում, մարզահագուստ (մարզաշապիկներ, կամ գլխարկներ և համարներ բոլոր մասնակիցներին և մրցավարներին), գավաթներ,

մեդալներ, հավաստագրեր, շնորհակալագրեր, կաշվե թղթապանակներ, ծաղկեփնջեր, հրավառություն, մասնակիցներին տեղում ընդմիջման ժամանակ սնունդ, հուշանվերներ՝ պատվավոր հյուրերին, հաղորդավարի ծառայություն, գովազդային նյութերի պատրաստում, նկարահանում, ուղիղ եթերի ապահովում, մրցավայրի ձևավորում, տրանսպորտային միջոցների ապահովում, բեռնատար ավտոմեքենաներ՝ մարզագույքը տեղափոխելու համար և գրենական պիտույքների ծախսերը կատարվում են ՀՀ պետական բյուջեից հատկացված միջոցների հաշվին:

13. Դրամական մրցանակներ երկու տարիքային և գործող պրոֆեսիոնալ մարզիկների խմբերի 1-ից 10-րդ տեղեր գրաված մասնակիցներին՝ 1-ին տեղ՝ 1.000.000 ՀՀ դրամ, 2-րդ տեղ՝ 500.000 ՀՀ դրամ, 3-րդ տեղ՝ 300.000 ՀՀ դրամ, 4-րդ տեղ՝ 100.000 ՀՀ դրամ, 5-10-րդ տեղերը՝ 50.000-ական ՀՀ դրամ, հարկերը, տուրքերը և պարտադիր վճարները ներառված չեն, ծախսերը կատարվում են ՀՀ պետական բյուջեից հատկացված միջոցների հաշվին:

14. Մասնակիցների գործուղման ծախսերը (գիշերակաց, սնունդ և ճանապարհաճախսը) հոգում է գործուղող կազմակերպությունը:

## VII. ՀԱՅՏԵՐԸ

15. Մրցաշարին մասնակցության համար ներկայացվում է հայտ՝ համաձայն հավելված 2-ի, անձնագրի կամ նույնականացման վկայականի և մրցումներին մասնակցելու համար բժշկի թույլտվության պատճենները, կամ տեղեկանք առողջության վերաբերյալ և Մրցաշարին մասնակցելու հետևանքով առաջացող ռիսկերի գնահատման և ստանձնման պայմանագիրը: Փաստաթղթերը ներկայացնել «ՀՀ լողի ֆեդերացիա» ՀԿ-ին՝ մինչև 2023 թվականի հուլիսի 20-ը ներառյալ (Հասցե՝ «Դավիթ Համբարձումյանի անվան ջրացատկի օլիմպիական հերթափոխի մասնագիտացված մանկապատանեական մարզադպրոց» ՓԲԸ-ի լողավազան, Մ. Խորենացի փ. 1/1, Էլ. հասցե՝ [swimmingarm@mail.ru](mailto:swimmingarm@mail.ru)): Հարցերի դեպքում զանգահարել հետևյալ հեռախոսահամարներով՝ **(010)56-44-60** մասնագիտական հարցերի դեպքում զանգահարել **(077) 84-40-41, (091) 84-40-41, (055) 84-40-41**, երկուշաբթի-ուրբաթ օրերին՝ ժամը 09:00-18:00:

16. Մասնակիցների կողմից մրցման ընթացքում ցանկացած խախտման դեպքում, մասնակիցը կորակազրկվի և իրավունք չի ունենա մասնակցելու այս մրցաշարին առաջիկա երեք տարիներին:

Հավելված № 2  
 ՀՀ կրթության, գիտության, մշակույթի և սպորտի նախարարի  
 2022 թվականի Քհրեհեթեթի 07 -ի  
 № 0220 -Ա/2 հրամանի

**ՕՐԻՆԱԿԵԼԻ ՁԵՎ**  
**2023 ԹՎԱԿԱՆԻՆ ԱՆՖԿԱՑՎՈՂ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԳԱՎԱԹ»**  
**ԼՈՂԻ ՍԻՐՈՂԱԿԱՆ ՄՐՑԱՇԱՐԻ ՄԱՍՆԱԿՑՈՒԹՅԱՆ ՀԱՅՏԻ**

| №  | Ազգանուն, անուն, հայրանուն | Ծննդյան թիվը | Անձնագիր<br>(սերիա, համար) | Բնակության վայրը, հասցեն | Հեռախոսի<br>համար |
|----|----------------------------|--------------|----------------------------|--------------------------|-------------------|
| 1. |                            |              |                            |                          |                   |